



ԿՏԱԿ ԵՎ ԸՍՏ ԿՏԱԿԻ ԺԱՌԱՆԳՈՒԹՅՈՒՆ

6 հարցերի կարճ պատասխաններ

1 Ե՞րբ է ժառանգությունը կատարվում ըստ օրենքի:

Ժառանգությունը կատարվում է **ըստ օրենքի, եթե չկա կտակ**, կամ դրանում սահմանված չէ ամբողջ ժառանգության ճակատագիրը.



2 Ի՞նչպե՞ս գրել կտակ:



Կտակը պետք է կազմվի գրավոր և **վավերացվի նոտարի կողմից**, այլապես կտակի կհամարվի անվավեր:
Կտակարարն իրավունք ունի կտակ կազմելուց հետո **ցանկացած ժամանակ վերացնել, փոփոխել** կամ **լրացնել** իր կտակը, ընդ որում նա պարտավոր չէ նշել կտակը վերացնելու, փոփոխելու կամ լրացնելու պատճառները:

3 Ի՞նչը կարող է ժառանգվել (ժառանգական զանգված):

Ժառանգության զանգվածի մեջ է մտնում ժառանգատուի մահվան օրվա դրությամբ ժառանգատուին պատկանող **գույքը** և **պարտականությունները**:

Կտակ կարող է կազմվել կտակ կազմել **ամբողջ** գույքի, դրա **մի մասի** կամ **առանձին գույքի** կամ իրավունքների վերաբերյալ:



4 Ո՞ւմ օգտին կարելի է կտակ գրել (պարտադիր բաժին)



Քաղաքացին իրավունք ունի **իր հայեցողությամբ ցանկացած գույք** կտակել **ցանկացած անձի**, ցանկացած ձևով որոշել ժառանգությունում ժառանգների բաժինները, զրկել ժառանգությունից ըստ օրենքի ժառանգներին, կտակում ներառել ժառանգության մասին այլ կարգադրություններ, վերացնել, փոփոխել կամ լրացնել կազմված կտակը: Սակայն կտակով **հնարավոր չէ ժառանգությունից զրկել** պարտադիր բաժնի իրավունք ունեցող ժառանգներին:

5 Ովքե՞ր ունեն պարտադիր բաժնի իրավունք:

Ժառանգության բացման ժամանակ պարտադիր բաժնի իրավունք ունեն ժառանգատուի **անչափահաս երեխաները**, ինչպես նաև օրենքով սահմանված կարգով **հաշմանդամ կամ անգործունակ ճանաչված** կամ ժառանգատուի՝ **60 տարեկան դարձած երեխաները, ամուսինը և ծնողները**:



6 Ո՞ր դեպքում է անձը զրկվում ժառանգությունից:



Ըստ կտակի և ըստ օրենքի ժառանգությունից զրկվում են այն անձինք, ովքեր դիտավորյալ խոչընդոտել են ժառանգատուի վերջին կամքի իրականացմանը, դիտավորյալ կյանքից զրկել են ժառանգատուին կամ հնարավոր ժառանգներից որևէ մեկին կամ մահափորձ են կատարել նրանց կյանքի նկատմամբ: Բացառություն են կազմում այն անձինք, որոնց նկատմամբ ժառանգատուն կտակը կազմել է մահափորձ կատարելուց հետո:

Իսկ **ըստ օրենքի** ժառանգության դեպքում ժառանգությունից մեկուսացվում են նաև ծնողական իրավունքներից զրկված ծնողները, որոնց ծնողական իրավունքները չեն վերականգնվել ժառանգությունը բացվելու ժամանակ: